

Réunion d'information au Roudemer, le 15.3.17: Modification ponctuelle du PAG Backent et PAG Sauerträisch

(Matdeelung vun der BILQ während der Biergerversammlung un den Schäfferot)

Här Buergermeeschter, léiwen Schäfferot, léif Bierger an Biergerinnen,

Als BILQ – Biergerinitiativ fir Liewensqualitéit hutt Dir eis am Kader vun deenen 2 Prozeduren SUP Sauerträisch an SUP Backent, den 19.1.17 empfaangen, an gesot: déi nei Sportinfrastruktur ‚Backent‘ as eng politesch Decisioun.

Domat hutt Dir eis kloer gemaach, dass et kee Sënn méi mécht, fir ze diskutéieren, well all berechtigt an fundéiert Argument vun eis, géigeniwwer vun Iech mam Hiweis ‚politesch Decisioun‘ gekippt gött.

Am Endeffekt as dat lescht Argument vum Schäfferot ëmmer erëm: **Wann mir net bauen, dann baut een aneren.** Des Ausso seet fir eis dat selwecht aus, ewéi: **Wann mir Natur net zerstéieren, dann mécht een aneren et.**

Dofir dāerfen mir eis all den Owend hei froen: ewéi ginn mir mat dësem MEGA-Projet vun 16,5 ha Nettofläch am Zentrum vun Stengefort em? Musse mir hei wierklech Natur an Ëmwelt esou zerstéieren, dass an 100 Joer eis Nokommen just nach den Kapp rëselen?

Här Buergermeeschter, Dir an CSV mam Här Zeimet, hun eis virun 3 Joer als BILQ opgefuerdert eng Alternativ ze sichen. Mir hun dat gemaach, mat kloren Iwwerleeungen, an dem Fachwëssen vun engem ‚bureau d'étude‘. Dir hutt eisen ‚Bureau d'étude‘ als kleng Kanner dohin gestellt, déi net wësstent wat een Massstab as. Esou niewen bei: dësen ‚Bureau d'étude‘ plangt elo den neien nationalen Stadion zu Gaasperech.

Ech ruffen Iech nach eng Kéier an Erënnerung, dass eis Alternativ aus 2 Sitten bestoung, well dat net ëmmer richteg an den Dokumenter geschriwwen steet, an zwar:

- Regional Struktur aus Stengefort eraus, op engem Site niewent der N6, op enger Fläch vun 5,7 ha (kuerz Scheed) (5,7 ha as är Angabe aus der SUP Backent 2016)
- Lokal Struktur fir Schoul an Maison Relais hei am Roudemer wou genuch Bauvolummen fir esou eng Sportshal do as.

Dir baut just deen neien Sportkomplex, alles an allem op enger Fläch vun 7,9 ha: Austauschterrain 5,7 ha + 2,2 ha Neikaaf, deemno Gesamtfläch vun 7,9 ha. Des Fläch 7,9 ha as méi grouss ewéi 5,7 ha, mä dat as awer am Endeffekt eng radikal Täuschung, well laut SUP Backent 2016 ginn ronn 3 ha ofgezunn fir den Bongert (Streuobstwiese). Deemno bleiwen: 4,9 ha fir Backent – ären Site- an 5,7 ha fir kuerz Scheed – der BILQ hiren Site, woubäi do nach muss den Site Roudemer dobäi gerechent ginn. (S.13 am SUP-Dokument)

Dir wësst, dass ären Sportkomplex Backent als regional Struktur nie méi ausbaubar as!!!

Mir als BILQ sinn fir nei optimal Sportinfrastrukturen, déi ausbaubar sinn. An dat wär méiglech gewiescht um Site ‚kuerz Scheed‘, wann Dir politesch gewollt hätt.

Mir bedauern:

Dass déi 2 Virschléi vun BILQ an Gemeng vun enger neier Sportinfrastruktur fir Stengefort nie verglach goufen.

Mir weisen dorop hin, dass am Gemengerot vum 19. Januar 2017

5 verschiddenen Etüden zum Präis vun ronn all Kéiers 50 000 € votéiert goufen,

Fir den 32 Milliounen Projet nei Sportinfrastruktur wäeren keng 50 000 € fir eng Vergläichsstudie do. Och dat as eng politesch Entscheidung!!!

Als BILQ wäeren mir immens frou, wann Dir eis an den Bierger vun Stengefort kéint soen, wifill Dir schonns an deen neien Sportkomplex Backent investéiert hutt, well mir hun den Iwwerbléck verluer:

Elong dëst Joer sinn am Gemengerot $450\,000 + 600\,350 = 1\,050\,350$ € votéiert ginn.

Mir bedauern, dass déi integral Dokumenter zur ablécklecher PAG-Verännerung net méi um Internet-Site stinn vun der Gemeng, mä dass een des Dossier'en muss mat vill Opwand an d'Gemeng studéieren goen. Eng aktiv Participatioun vun allen Bierger un dësem 32 Milliounen Projet wär dach bestëmmt wünschenswert?

Déi ablécklech PAG-Verännerung 2017 as par Rapport zum 1. Virschlag vun PAG-Verännerung 2014 verännert ginn. Et wär schéin wann Dir eis all géift den Owend soen, an wat fir engem Moss.

Zu dësem Zäitpunkt gesi mir net an, wisou den PAG Sauerträisch als ‚modification ponctuelle‘ muss durchgepeitscht ginn an mir froen: wär et net besser am Gesamt PAG vun der Gemeng 9,5 ha Wunnzone virzegesinn? Am leschten Gemengerot as kloer ginn, dass Stengefort seng Zieler vun Bevëlkerungs-Zouwuess vun 5500 Awunner fir d'Joer 2020, ouni Schwieregkeeten erreicht.

Dofir brauch et momentan keen PAG Sauerträisch. Dass een den alen Camping mat engem PAG ponctuel beleet, fir do sozialen Wunnensbau kennen ze maachen, esou ewéi Dir dat bei der ‚fermeture‘ vum Camping an Aussicht gestallt hutt, Här Wirth, dat wär immens.

Bierger vun Stengefort wëllen een kontrolléierten an nohaltegen Wuesstem vun der Bevëlkerung, an zur Zäit steet genuch Baufläch am PAG-Perimeter zur Verfügung.

Dir wësst dass des Informatiounsversammlung eigentlech net vill Sënn mécht, well Problemer die den PAG Backent an Sauerträisch mat sech bréngen, net opgezielt ginn, am Géigendeel, et gëtt alles schéin geriet.

Als BILQ gesinn mir enorm vill Problemer an wäerten eis schréftlech Doleancen Iech ënnerbreeden.

An mir kennen nëmmen all Bierger, déi den Owend hei sinn bieden, fir vun dësem Recht och Gebrauch ze maachen.

Merci.